

Aotelega O Pepa Faamaonia Tau Inisiua – Pepa Faamaonia Mo Faalavelave Faafuasei (Accident Policy)

O faaupuga “matou” ma le “tatou” o ta’ua i le Pepa Faamaonia Tau Inisiua lenei, e faasino lea i le *American Income Life Insurance Company*, o le kamupani fai inisiua i lalo o le Pepa Faamaonia Tau Inisiua.

O faaupuga “oe” ma le “lau” e faasino i le tagata o ta’ua le suafo o le “Tagata ua Inisiua” i le Faatulagana o Pepa Faamaonia Tau Inisiua.

E saunia e le Pepa Faamaonia Tau Inisiua inisiua mo Manu’aga ua mafua ona o se faalavelave faafuasei

E inisiua e le Pepa Faamaonia Tau Inisiua se Manu’aga o se Tagata o Aofia ua mafua ona o se faalavelave faafuasei.

Matou te totogia le faamanuiaga talafeagai pe afai o se Manu’aga na tupu i le taimi o faamamaluina ai le Pepa Faamaonia Tau Inisiua. O le uiga o le upu “faamamaluina/in force” e leai se taimi ua taofia ai le inisiua o fai.

Matou te ta’ua oe ma tagata ua inisiua taitoatasi o lou aiga o “Tagata o Aofia/ Covered Person.”

E iai lau aiatatau e faalēaogāina ai le Pepa Faamaonia Tau Inisiua i totonu o aso faigaluega e 10

Afai e te manao e faalēaogāina le Pepa Faamaonia Tau Inisiua i totonu o aso faigaluega e 10 na matou tuuina atu ai ia te oe le pepa faamaonia tau inisiua, o lona uiga e tutusa lava le tulaga o le a iai oe ma i matou i lona tulaga peiseai e leai ma se pepa faamaonia tau inisiua na tuuina atu. Afai o se tulaga lea, matou te toe totogai atu so o se tupe faasaofaga totogi faavaitaimi na e totogia.

E mafai ona e faalēaogāina le Pepa Faamaonia Tau Inisiua pe a e logoina mai:

- i matou, i fesootaiga o ta’ua i luga; po o le
- faufautua a le AIL i *Niu Sila* na faatauina atu ia te oe le pepa faamaonia tau inisiua.

Afai e te faalēaogāina le Pepa Faamaonia Tau Inisiua pe a mavae aso faigaluega e 10 na tuuina atu ai le pepa faamaonia tau inisiua, o lona uiga matou te lē toe totogia atu tupe faasaofaga totogi faavaitaimi na e totogia.

O le auga faavae o le Aotelega o le Pepa Faamaonia Tau Inisiua lenei o le faamalamalama o nisi o itu tāua o le Pepa Faamaonia Tau Inisiua.

O le Aotelega o Pepa Faamaonia Tau Inisiua o se oototoga aoao ma e lē o se vaega o le konekarate i le va o oe ma i matou.

FAAMOLEMOLE FAITAU LELEI LE PEPA FAAMAONIA TAU INISIUA I LE TAIMI LAVA E TE MAUA AI.

O lo o maua faamatalaga atoa ma tulaga ua faatapulaa i le Pepa Faamaonia Tau Inisiua.



E mafai ona inisiua lou aiga i lalo o le Pepa Faamaonia Tau Inisiua

Matou te ono teena le totogi o faamanuiaga pe afai na e faailoa mai ia i matou se mea na sese i lau talosaga na fai

E eseese ituaiga faamanuiaga matou te totogia

E mafai ona inisiua lou aiga i lalo o le Pepa Faamaonia Tau Inisiua, ae faatoa faia le tulaga lea pe afai e te filifilia le Family Coverage o lo o ta'ua i lau pepa talosaga.

O i latou nei o lou aiga e mafai ona inisiua:

- lou toalua, toalua faapouliuli; ma
- so o se tasi o lau fanau e lei atoa le 20 tausaga le matutua na faamauina igoa i le aso na saina ai le Pepa Faamaonia Tau Inisiua, ma e lei faaipoipo, e fai aiga ma se tasi e tutusa itupa po o se ulugalii faapouliuli, ma e ola faalagolago ia te oe.

O tagata taitoatasi uma lava, e tatau ona ta'ua igoa i le pepa talosaga pe faaopoopo igoa i le Pepa Faamaonia Tau Inisiua pe a mavae le taimi na tauaaoina atu i ai, ma o tulaga nei e mafai ai ona inisiua ma i latou. O inisiua mo isi tagata e faalagolago ia te oe le tausiga e noatia lea i la matou faamaoniga.

O lo o aofia i le Pepa Faamaonia Tau Inisiua faamatalaga auiliili o aiaiga i le taimi e faagata ai se inisiua mo sui o aiga i lalo o le Pepa Faamaonia Tau Inisiua. O nei aiaiga e aofia ai mo se faataitaiga, o le mea e tupu pe a aulia le 21 tausaga o le matutua o lau fanau.

Afai e te faailoa mai ia i matou se mea na sese o lau talosaga na fai mo se Pepa Faamaonia Tau Inisiua (po o ni faamatalaga e lei aofia), o lona uiga o le uluai lua tausaga na faia ai lau inisiua matou te ono (tulaga e faatagaina e le tulafono):

- faalēaogāina le Pepa Faamaonia Tau Inisiua; ma
- teena le totogi o ni tupe na e talosaga e totogi atu.

A mavae le lua tausaga nei, o lona uiga matou te lē faalēaogāina le Pepa Faamaonia Tau Inisiua pe teena le totogi o ni tupe na e talosaga e totogi atu pe afai na e faailoa mai ia matou se mea ua sese i lau talosaga (po o se mea e lei aofia ai). O tulaga nei o le a iai se'i vagana ua e faia i se tulaga taufaasese.

E ono totogi atu faamanuiaga o ta'ua i lalo pe afai ua mafatia le Tagata o Aofia i se Manu'aga na mafua ona o se faalavelave faafuasei i le taimi o faamamaluina ai le Pepa Faamaonia Tau Inisiua.

Hospital Confinement Benefit

O le a matou totogia le Hospital Confinement Benefit pe afai e tatau i le Tagata o Aofia ona nofo ai i le falemai ona o se Manu'aga na mafua ona o se faalavelave faafuasei. O tulaga nei e tatau ai ona matou totogia le faamanuiaga:

- e tatau ona faamamaluina le Pepa Faamaonia Tau Inisiua mo aso taitasi o nofo ai i le falemai; ma
- na fautuaina e le fomai le nofo ai i le falemai.

E totogi le Hospital Confinement benefit mo aso taitasi o nofo ai le Tagata o Aofia i le falemai o se ma'i ua faataotolia. O lo o faatulagaina i totonu o le Faatulagana o Pepa Faamaonia Tau Inisiua le aofaiga matou te totogi atu mo aso taitasi. O le maualuga faatapulaa o numera o aso e 365.



[Intensive Care Confinement Benefit](#)

Afai e tatau i le Tagata o Aofia ona nofo i le ICU (intensive care unit) i le falemai ona o se Manu'aga e mafua ona o se faalavelave faafuasei, o lona uiga o le a faaluaina le aofaiga o le Hospital Confinement Benefit e totogi atu.

O le maualuga faatapulaaina o numera o aso o le a matou totogia ai le Intensive Care Confinement Benefit lea e 14 aso. A mavae le vaitaimi lea, ona toe faaaogā lea o faamanuiaga masani e totogi atu i lalo o le Hospital Confinement Benefit.

[Emergency Accident Benefit](#)

O le a matou totogia tupe faaalu pe afai na tuuina atu i le Tagata o Aofia togafitiga i le falemai ua mafua ona o se Manu'aga mai se faalavelave faafuasei. Na o tupe faaalu na faia i totonu o le 72 itula talu mai le faalavelave faafuasei o le a matou totogia.

O lo o faatulagaina i totonu o le Faatulagana o Pepa Faamaonia Tau Inisiua le aofaiga maualuga o le a matou totogia mo so o se tasi o faalavelave faafuasei. Matou te lē totogia le Emergency Accident Benefit pe afai o le Tagata o Aofia:

- e tatau ona nofo i le falemai ona o se faalavelave faafuasei; pe
- agavaa mo se isi faamanuiaga i lalo o le Pepa Faamaonia Tau Inisiua.

Matou te lē totogia le Emergency Accident Benefit mo faalavelave faafuasei i luga atu ma le 3 faalavelave faafuasei ua tulai mai i totonu o le kalena faaletausaga mo Tagata o Aofia taitasi.

[Accidental Death and Dismemberment Benefit](#)

O le a matou totogia le Accidental Death and Dismemberment Benefit pe afai o le Manu'aga ua afaina ai le Tagata o Aofia ua taunuu ai i so o se tupe ua pa'ū o lo o faatulagaina i le Pepa Faamaonia Tau Inisiua (e aofia ai le ma'imaui ai o le soifua) mo le Faamanuiaga lea. O lo o faatulagaina i totonu o le Faatulagana o Pepa Faamaonia Tau Inisiua le aofaiga matou te totogi atu mo tupe foi ua pa'ū taitasi.

[Automobile Accident Benefit](#)

Pe afai o se faalavelave faafuasei ua mafua ai se Manu'aga a o faia e le Tagata o Aofia se tasi o gaioiga nei:

- faafoeina se taavale fai pasese (e lē o faafoeina o se taavale faitete); po o
- se pasese i se taavale fai pasese (ae lē o se pasese e totogi se pasese);

ona faaluaina ai lea o le Accidental Death and Dismemberment Benefit o le a totogi.

[Common Carrier Accident Benefit](#)

Afai o le Manu'aga na mafua ona o se faalavelave faafuasei a o tietie le Tagata o Aofia o se pasese e totogi le pasese i se taavale faatulafonoina o se taavale faitete, o lona uiga e faalimaina le aofai o le Accidental Death and Dismemberment Benefit o le a totogi.

Matou te totogia le Accidental Death and Dismemberment Benefit (po o le Automobile Accident Benefit po o le Common Carrier Accident Benefit) e sui tulaga ai isi faamanuiaga e ono totogi i lalo o le Pepa Faamaonia Tau Inisiua ua mafua ai le faalavelave faafuasei lava e tasi.



E ono faaopoopo le faamanuiaga i le Pepa Faamaonia Tau Inisiua

E ono faaopoopo se faamanuiaga i le Pepa Faamaonia Tau Inisiua mo se fua faatatau o tupe totogi faaopoopo.

E totogi le faamanuiaga faaopoopo pe afai o le tagata o aofia i lalo o le faamanuiaga faaopoopo:

- ua matua'i faaletonu le malosi atoa o le tino ma le mafaufau ona o se Manu'aga ua mafua ona o se faalavelave faafuasei; ma
- o mauaina le Hospital Confinement Benefit i lalo o le Pepa Faamaonia Tau Inisiua.

E totogi tai masina le faamanuiaga faaopoopo e amata mai le aso na te'a ese ai mai le falemai le tagata o aofia. Na o masina taitasi lava na matua'i lē atoatoa ai le malosi o le tino ma le mafaufau (po o se vaega o le masina) matou te totogia i le tagata o aofia. O le maualuga faatapulaaina o le faamanuiaga e 6 masina mo Manu'aga ua mafua ona o se faalavelave faafuasei e tasi.

O le a faatulagaina faamanuiaga faaopoopo i le faamaumauga e ta'ua o le "Recovery Detection Benefit Policy Add-on."

I lalo o le Recovery Benefit Policy Add-on, o tagata o aofia ai e lē o aofia ai tamaiti.

O le a avea le Recovery Detection Benefit Policy Add-on ma vaega o le Pepa Faamaonia Tau Inisiua ma e tatau ona faitau faatasi ma le Pepa Faamaonia Tau Inisiua. Se'i vagana ua ese se isi tulaga o ta'ua i le Policy Add-on, e lē suia ai le Pepa Faamaonia Tau Inisiua.

E tatau ona totogi tupe faasaofaga totogi faavaitaimi

E tatau ona totogi mai ia matou tupe faasaofaga totogi faavaitaimi mo le faatumauina o le faamamaluina o le Pepa Faamaonia Tau Inisiua. O lo o faatulagaina i totonu o le Faatulagana o Pepa Faamaonia Tau Inisiua le aofaiga o tupe faasaofaga totogi faavaitaimi.

Afai e lei totogia tupe faasaofaga totogi faavaitaimi i le aso e tatau ona totogi ai, matou te faataga aso e 31 e totogi mai ai tupe faasaofaga.

E iai tulaga patino matou te lē totogia ai se faamanuiaga

Matou te lē totogia faamanuiaga pe afai e mafua se tupe ua pa'ū pe ua aafia ona o le:

- pule i le ola po o le taumafai e pule i le ola, a o sa'o po o le lē sa'o o le mafaufau, po o se manu'a na fai ma le mautinoa e le tagata ia te ia lava;
- taua po o so o se taua, po o se manu'a na mafua mai le vaiitaimi sa tautua ai i le vaegaau na tau i le taua, o se taua na aloaia pe lei aloaia;
- femalagaiga i luga o le ea, se'i vagana ai se pasese o totogi le pasese i faigamalaga faitele faatulagaina masani;
- hernia;
- tauvaga tuuga, sky diving, po o isi tauvaga e ono afaina ai;
- na folo po o le faasuāavā po o isi mea oona, po o tagofia po o le onā i so o se fualaau po o mariuana (e ese mai fualaau faatulafonoina na faatonuina e le fomai);
- ma'i, faama'i, faaletonu o le mafaufau po o faalogona, togafitiga faafomai po o taotoga; po o le
- faia po o le taumafai e fai se solitulafono e faasalaina ai i le falepuipui.



E otomeki lava le faafouina o le Pepa Faamaonia Tau Inisiua

Faiga e mafai ai ona fai se talosaga

E faamaonia le toe faafouina o le Pepa Faamaonia Tau Inisiua i le umi o e soifua ai. E faalagolago le tulaga lea i le totonu o tupe faasaofaga totogi faavaitaimi ma le tausisia o au aiaiga i lalo o le Pepa Faamaonia Tau Inisiua. E lē mafai ona matou faalēaogāina lau Pepa Faamaonia Tau Inisiua po o le faaopoopo o so o se faiga e faatapulaa ai, i le taimi atoa o faamamaluina ai le Pepa Faamaonia Tau Inisiua ma o lo o e tausisia tuutuuga i lalo o le Pepa Faamaonia Tau Inisiua.

E iai la matou aiatatau e suia ai le fua faatatau o tupe faasaofaga totogi faavaitaimi ua faafou mo le Pepa Faamaonia Tau Inisiua lenēi. O le a faaogā suiga nei i pepa faamaonia tau inisiua uma i totonu o Niu Sila i le tulaga lava e tasi e pei o le Pepa Faamaonia Tau Inisiua lenēi. O le a matou tuuina atu ia te oe se faaliga e faia ai se suiga i totonu o le 31 aso.

E tatau ona e logoina mai i matou (po o se faufautua a le *AIL i Niu Sila*), i se faamatalaga tusitusia, mo se talosaga e fia totogi. E tatau ona tuuina mai lau talosaga i totonu o le 60 aso i le amataga o so o se tupe ua pa'ū o lo o aofia i le Pepa Faamaonia Tau Inisiua, po o se taimi vave e talafeagai ai pe a mavae le aso faatulagaina lea.

Matou te lafo atu ia te oe pepa e fai ai talosaga e faatumu pe a e logoina mai matou e tusa ma se talosaga o le a faia. E tatau ona e faatumu pepa talosaga ma toe lafo mai ia i matou (po o le faufautua a le *AIL i Niu Sila*), faatasi ai ma faamatalaga tau soifua maloloina e lagolagoina ai lau talosaga. E tatau ona faaoo mai talosaga i totonu o le 90 aso o le aso na amata ai tupe ua pa'ū. Afai e lē o gafatia ona faatumu ma toe lafo mai pepa talosaga i totonu o le taimi faatapulaaina, e ono faaopoopo le taimi e mafai ai ona faia lea tulaga (e pei ona faamatalaina i le Pepa Faamaonia Tau Inisiua).

O faamanuiaga e totogi i lalo o le Pepa Faamaonia Tau Inisiua o faamanuiaga matou te totogia atu i le taimi lava ua matou maua ai faamaoniga tusitusia o tupe ua pa'ū.